

3. gr.

Eftirlitsgjaldið skal greiða til ríkisfóhirðis fyrir 1. nóvember 1969. Gjaldið er lögtakskræft.

Reglugerð þessi, sem sett er samkvæmt heimild í 47. gr. lyfsölulaga nr. 30 29. apríl 1963, öðlast gildi þegar í stað.

Í dóms- og kirkjumálaráðuneytinu, 28. ágúst 1969.

Jóhann Hafstein.

Jón Thors.

Nr. 161.

11. ágúst 1969.

AUGLÝSING

um samning milli fjármálaráðherra f. h. ríkissjóðs og Kjararáðs f. h. Bandalags starfsmanna ríkis og bæja um breytingar á launakjörum ríkisstarfsmanna frá því, sem ákveðið var í dómum Kjaradóms frá 30. nóv. 1967 og 21. júní 1968.

1. gr.

Um ákvörðun verðlagsbóta fyrir tímabilið 1. marz 1969 — 1. júní 1969 fari samkvæmt væntanlegum dómi Kjaradóms, þar sem ágreiningur ríkir um það atriði.

2. gr.

Frá 1. júní 1969 og til ágústloka 1969 skal greiða 23.35% verðlagsuppbót á grunnlaun, með þeim frávikum, er um ræðir í 4. gr.

Hækkun sú á framfærslukostnaði, er leiðir af hækkun verðlagsuppbótar samkvæmt þessum samningi, skal eigi verðbætt. Við ákvörðun verðlagsuppbótar samkvæmt 3. gr. er þessi hækkun fastbundin 3%, miðað við framfærsluvísitölu 125.45 stig hinn 1. maí 1969, og dreifist hún á útreikningstíma sem hér segir: 1. ágúst 1969: 1.5%, 1. nóvember 1969: 0.75% og 1. febrúar 1970: 0.75%.

3. gr.

Miðað við verðlag 1. ágúst og 1. nóvember 1969, 1. febrúar og 1. maí 1970, og framvegis á þessum tímum, reiknar Kauplagnesfnd verðlagsuppbót, er skal koma til framkvæmda 1. dag næsta mánaðar á eftir, í fyrsta sinn 1. september 1969, sjá þó. 4. málgr. þessarar gr.

Við ákvörðun verðlagsuppbótar hverju sinni (sbr. 1. málgr.) skal fara þannig að: Reiknuð er sú hækkun, sem hverju sinni hefur orðið hlutfallslega á framfærslukostnaði í Reykjavík síðan 1. nóvember 1967. Frá þessari hækkun dregst:

1. 28.30 prósentustig að viðbættum 2.83 prósentustigum, eða alls 31.13 prósentustig. Af þessum 2.83 stigum eru 2.34 stig frádráttur samkvæmt 4. gr. dóms Kjaradóms 21. júní 1968, og 0.49 stig frádráttur vegna verðhækkunar á búvörum í kjölfar greiðslu verðlagsuppbótar (sbr. 5. gr. sama dóms.)
2. Sú hækkun framfærslukostnaðar, sem stafar af verðhækkun á búvörum — þeirrar, er leiðir af hækkun á kaupi bónda og verkafólks hans í verðlagsgrundvelli, vegna greiðslu hærri verðlagsuppbótar en 23.35%.
3. Hækkun vegna ákvæða 2. málgr. 2. gr., sem hér segir: Við útreikning verðlagsuppbótar 1. ágúst 1969 1.96 prósentustig, 1. nóv. 1969 2.94 prósentustig og 1. febrúar 1970 og framvegis 3.92 prósentustig.

Mismunur sá, sem hverju sinni verður niðurstaða ofangreinds útreiknings leggst síðan við 23.35%, og fæst þá sú verðlagsuppbót, er kemur til framkvæmda 1. dag næsta mánaðar á eftir, sbr. 1. málsg. þessarar gr.

Ef verðlagsuppbót miðuð við 1. ágúst 1969 nær ekki að hækka um eitt prósentu-
stig vegna ákvæða þessarar greinar, skal hún haldast óbreytt í 23.35% á greiðslu-
tímabilinu 1. september til 30. nóvember 1969.

Greiða skal 23.35% verðlagsuppbót eftir ágústlok 1969, þótt hún reiknist lægri en þetta.

Verðlagsuppbót skal reiknuð með 2 aukastöfum.

4. gr.

Verðlagsuppbót samkvæmt útreikningi Kauplagnesnefndar greiðist á 10 000 kr. grunnlaun fyrir dagvinnu á mánuði.

Á grunnlaun lægri en 8800.00 kr. á mánuði greiðist verðlagsuppbót að sama
hundraðshluta og greidd er á 8800 kr. mánaðarlaun.

Á önnur grunnlaun greiðist sama verðlagsuppbót í krónutölu og greidd var í febrúar 1969, og auk þess sama verðlagsuppbót í krónutölu og greidd verður sam-
kvæmt samningi þessum á 10 000 kr. grunnlaun fram yfir þá upphæð, er greidd var á 10 000 kr. grunnlaun í febrúar 1969.

Verðlagsuppbót á eftir-, nætur- og helgidagavinnu skal greidd með sömu krónu-
tölu og er á dagvinnutímakaupi. Þó skal álag á eftirvinnu aldrei vera minna en 40%, og álag á nætur- og helgidagavinnu aldrei minna en 80% miðað við dag-
vinnutímakaup skv. 8. gr. dóms Kjaradóms frá 30. nóvember 1967.

5. gr.

Vaktaálag greiðist ekki á verðlagsuppbót, og verðlagsuppbót greiðist ekki á vaktaálag. Þó skal vaktaálag eigi verða lægra en svarar til 29%, reiknað skv. 2. mgr. 10. gr. dóms Kjaradóms frá 30. nóvember 1967.

6. gr.

Grunnupphæðir mánaðarlauna skv. 4. gr. eru miðaðar við það, að unnið sé fullt starf samkvæmt vinnutíma í starfsgreininni, en þegar svo er ekki, lækkar hlutafallslega hámark þeirra mánaðarlaun, sem hér um ræðir.

7. gr.

Samningur þessi gildir frá 1. marz 1969, og til sama tíma og dómur Kjaradóms frá 30. nóvember 1967.

Reykjavík, 30. júní 1969.

Fjármálaráðherra f. h. ríkissjóðs

Magnús Jónsson.

Kjararáð f. h. B. S. R. B.

Kristján Thorlacius.

Guðjón B. Baldvinsson.

Jón Kárason.

Kristján Halldórsson.

Páll Bergþórsson.

Ofangreindur samningur birtist hér með til effirbreytni öllum, sem hlut eiga að máli.

Fjármálaráðuneytið, 11. ágúst 1969.

F. h. r.

Jón Sigurðsson.

Höskuldur Jónsson.